

**PROCESVERBAL**  
**PËR ARGUMENTIMIN DHE MIRATIMIN E SPECIFIKIMEVE TEKNIKE DHE**  
**KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**Objekti: "Gjelbërim i lulishteve në Portin Detar ShA Sarandë".**

**Procedura: "E hapur e thjeshtuar"- Mall, (elektronikë).**

**Fondi limit: : 4,070,595 (katër milion e shtatëdhjetë mijë e pesëqind e nëntëdhjetë e pesë) Lek,pa TVSH**

**Burimi: Vetëfinancim**

**Afati: 2 (dy) muaj nga nënshkrimi i kontratës.**

**Referenca: Programi ekonomik i Shoqërisë për vitin 2026.**

**CPV: Bimët zbukuruese, kullosa, myshqe ose likene 03441000-3, Pemë 03452000-3.**

**Udhëzimi I APP (Manuali) Nr.1 datë 03.06.2025 "Për mënyrën e zhvillimit të procedurës së prokurimit me mjete elektronike"**

**KODI OUTPUT: 0000000**

Në bazë të nenit 21, pika 2, të Ligjit nr.162/2020 "Për prokurimin publik", I ndryshuar, nenit 2, pika 2/c dhe nenit 78, pika 2, të VKM- së nr.285, datë 19.05.2021 "Për miratimin e rregullave të prokurimit publik" e ndryshuar, autoriteti/enti kontraktor **PORTI DETAR SHA SARANDË** ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

**KRITERET E VEÇANTA TË KUALIFIKIMIT**

**1. Ofertuesi duhet të paraqesë:**

- a. *Formularin Përmbledhës të Vetëdeklarimit, sipas shtojcës 9;*
- b. *Sigurimin e Ofertës, sipas Shtojcës 4;*
- c. *Formularin e Ofertës Ekonomike, sipas Shtojcës 1;*
- d. *Listat e Çmimeve të artikujve, sipas Shtojcës 3.*

**Argumentimi:**

**Formularin Përmbledhës të Vetëdeklarimit, sipas shtojcës 9** - Ofertuesi duhet të deklarojë se përmbush kriteret e përgjithshme të pranimit/kualifikimit. Këto kriteret duhet të plotësohen me dorëzimin e vetëdeklaratës me shkrim të subjektit, sipas Shtojcës 9.

**Sigurimi i Ofertës:** Në zbatim të Ligjit Nr. 162/2020 "Për prokurimin publik", Neni 83: Operatori Ekonomik paraqet Formularin e Sigurimit të Ofertës.

Vlera e kërkuar e sigurimit të ofertës është 2% e fondit limit pa TVSH: **81 412 lekë (tetëqind e dhjetë mijë e katërqind e dymbëdhjetë) Lek.**

Kërkesat e mësipërme bazohen në nenet 76, 82 dhe 83 të LPP, i ndryshuar dhe nenin 26, të VKM nr.285, datë 19.05.2021 "Për miratimin e rregullave të prokurimit publik".

**Formularin e ofertes sipas Shtojcës 1 dhe Listat e Çmimeve të artikujve sipas Shtojcës 3:**

Në zbatim të Ligjit nr.162/2020 "Për prokurimin publik" I ndryshuar dhe të VKM nr. 285, datë 19.05.2021 "Për miratimin e rregullave të prokurimit publik", i ndryshuar, çdo operator ekonomik pjesëmarrës duhet të ketë pjesë të ofertës së tij edhe formularin e ofertës sipas Shtojcës 1 dhe Shtojcës 3 të Dokumenteve Standarte të Tenderit.

**2. Kandidati/Ofertuesi duhet të dorëzojë:**

**2.1 Kapacitetin profesional të operatorëve ekonomikë:**

**2.1.1 Përshtatshmëria për të kryer veprimtarinë profesionale.**

Të jetë i specifikuar në QKB objekti i veprimtarisë së operatorit ekonomik i njëjtë ose ekuivalent me objektin e prokurimit.

Sipas përcaktimeve të bëra në Shtojcën 8 të DST-ve (Kriteret e Përgjithshme të Përzgjedhjes/ Kualifikimit).

## **2.2 Kapaciteti ekonomik dhe financiar:**

**2.2.1** Për të provuar kapacitetet financiare dhe ekonomike, operatorët ekonomikë duhet të paraqesin vërtetim për xhiron vjetore për 3 vitet e fundit financiare, ku vlera e xhiros për të paktën në njërin nga vitet e periudhës së kërkuar, duhet të jetë **jo më e vogël se 40%** e vlerës së parashikuar të kontratës. Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik” i ndryshuar.

Përcaktimi i vlerës së kërkuar argumentohet si më poshtë: Duke qenë se lloji i procedurës është “Procedurë e hapur e thjeshtuar”, përcaktimi i vlerës së kërkuar është bërë në mbështetje të nenin 43, pika 2, gërma “c” të VKM nr. 285, datë 19.05.2021 “Për miratimin e rregullave të prokurimit publik” i ndryshuar, ku përcaktohet se: “*Vlera e xhiros minimale vjetore që u kërkohet operatorëve ekonomikë nuk mund të tejkalojë:..... b) 40% të vlerës së përlllogaritur të kontratës ose lotit , në procedurat e prokurimit nën kufirin e ulët monetar.....*”;

Përcaktimi i viteve të kërkuara për paraqitjen e vërtetimit të xhiros vjetore është bërë bazuar në nenin 43, pika 1 ” të VKM nr. 285, datë 19.05.2021 “Për miratimin e rregullave të prokurimit publik” ku përcaktohet se: “*Autoriteti/enti kontraktor, për të provuar kapacitetet financiare dhe ekonomike, kërkon kopje të deklaratave të xhiros vjetore të realizuar nga operatori ekonomik, për një periudhë maksimumi deri në 3 (tre) vitet e fundit financiare*”.

Vendosja e këtij kriteri kualifikues i shërben Autoritetit Kontraktor për të vërtetuar se operatori ekonomik fitues i zotëron të gjitha kapacitetet ekonomike dhe financiare për të përmbushur me sukses kontratën. Përcaktimi i viteve të kërkuara për paraqitjen e vërtetimit të xhiros vjetore është bërë bazuar se ky kriter kualifikues i shërben Autoritetit Kontraktor për të vërtetuar se operatori ekonomik fitues i zotëron të gjitha kapacitetet ekonomike dhe financiare për të përmbushur me sukses kontratën.

**2.2.2** Operatori ekonomik ofertues duhet të mos ketë detyrime për taksat vendore për Vitin 2025 (ku të përfshihet kësti për periudhën përkatëse të maturuar sipas Ligjit Nr.9632 datë 30.10.2006 “Për sistemin e taksave vendore”, i ndryshuar), duke paraqitur një vërtetim nga organet e qeverisjes vendore ku ushtron aktivitetin (sipas QKB-së).

*Shënim: Ky kriter do të konsiderohet i përmbushur nëpërmjet plotësimit dhe paraqitjes nga operatorët ekonomikë të formularit përmbledhës të vetëdeklarimit, sipas Shtojcës 9 të DST. Dokumentacioni provues do të paraqitet nga ofertuesi i kualifikuar në vend të parë, pranë autoritetit kontraktor, përpara publikimit të njoftimit të fituesit dhe nisjes së afateve të ankimit, ose nëse do të jetë nevoja për t’u kërkuar sqarime nga Autoritetit Kontraktor.*

**Argumentimi:** Kërkesa e mësipërme është përcaktuar bazuar në nenin 77, pika 3, e LPP, në nenin 43, pika 6, të VKM nr. 285, datë 19.05.2021 “Për miratimin e rregullave të prokurimit publik”, në ligjin nr.9920 date 19.05.2008 “Për procedurat tatimore” i ndryshuar, neni 4, pika 2, gërma d) dhe në ligjin nr.9632, datë 30.10.2006 “Për Sistemin e Taksave Vendore” i ndryshuar. Referuar sa më sipër, Autoriteti Kontraktor gjykon se kriteri i vendosur lidhur me dorëzimin nga ana e operatorëve ekonomikë të deklaratës për shlyerjen e detyrimeve vendore për vitin 2025 sipas kësteve pranë bashkisë/ve ku operatori ekonomik ushtron aktivitetin e tij është në përputhje me kuadrin ligjor në fuqi e konkretisht me Ligjin nr.9632, datë 30.10.2006 për “Sistemin e Taksave Vendore” i ndryshuar. Të gjithë subjektet që ushtrojnë veprimtari biznesi kanë detyrimin ligjor të regjistrimit pranë Qendrës Kombëtare të Biznesit

për të bërë të identifikueshëm vendodhjen e aktivitetit të tyre dhe për t'iu nënshtuar pagesës së taksave vendore të parashikuara shprehimisht në këtë ligj. Duke qenë se autoriteti kontraktor është njësi e autoriteteve vendore e gjen të arsyeshme që pjesmarrjen e operatorëve ekonomikë ofertues në këtë procedurë prokurimi ta kushtëzojë me shlyerjen në kohë të taksave vendore të parashikuara me ligj.

### **2.3 Kapaciteti teknik:**

**2.3.1.** Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së kontratës, në një vlerë jo më të vogël se 40 % të vlerës së fondit të limitit të kësaj kontrate.

-Autoriteti/enti kontraktor si dëshmi për përvojën e mëparshme kërkon vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës ose/dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara.

-Në rastin e përvojës së mëparshme të realizuar me sektorin privat, si dëshmi pranohen vetëm fatura tatimore të shitjes, të plotësuara sipas kërkesave të legjislacionit në fuqi, dhe të deklaruara në organet tatimore, ku shënohen datat, shumat dhe sasi të mallrave të furnizuara.

**Argumentimi:** Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik” i ndryshuar dhe nenit 40, pika 4, të VKM nr. 285, datë 19.05.2021 “Për miratimin e rregullave të prokurimit publik” i ndryshuar. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që kontratat (furnizimet) e mëparshme të ngjashme të jenë minimalisht në një vlerë jo më të vogël se 40 % të vlerës së fondit të limitit të kësaj kontrate, për furnizime të ngjashme të kryera tre viteve të fundit nga data e zhvillimit të procedurës.

Përcaktimi i vlerës së kërkuar për kontratat e ngjashme argumentohet si më poshtë:

Përcaktimi i vlerës së kërkuar për kontratat e ngjashme është vendosur brenda kufirit të vlerës të përcaktuar në rregullat e prokurimit publik dhe i shërben AK për të treguar se ofertuesit me kapacitetet e tyre kanë realizuar kontrata të ngjashme me objektin që prokurohet, në vlerë jo më të vogël se 40% të fondit limit, në afat, me cilësi dhe rrit besueshmërinë mbi përvojën që ka ofertuesi në treg. Përvoja e ngjashme konsiderohet si kriter thelbësor dhe si rrjedhim operatorët ekonomikë duhet të paraqesin dëshmi të tilla si referenca/fatura tatimore, për të provuar kryerjen e tyre qoftë me sektorin privat dhe atë publik.

### **2.3.2. Operatori ekonomik duhet të paraqes ISO 9001-2015.**

Operatori Ekonomik duhet të jetë i certifikuar sipas ISO/IEC 9001 2015 (për sistemin e menaxhimit të cilësisë) ose ekuivalente. Për plotësimin e kësaj kërkesë ofertuesi duhet të paraqesë certifikatën Certifikatë ISO 9001:2015 (ose ekuivalente). Certifikata duhet të jetë në fuqi, e vlefshme në ditën e hapjes së procedurës dhe të jetë e lëshuar nga një organ i vlerësimit të konformitetit i akredituar nga organizmi kombëtar i akreditimit ose organizma ndërkombëtar akreditues të njohura nga Republika e Shqipërisë.

**Argumentimi:** Kërkesa e mësipërme bazohet në nenin 77, pika 1/a), nenin 79 të LPP, nenit 44 pika 1 të VKM nr. 285, datë 19.05.2021 “Për miratimin e rregullave të prokurimit publik”, është kërkuar kjo certifikatë me qëllim që operatorët ekonomikë që do të zbatojnë kontratën të jenë certifikuar dhe të provohet garantimi i standardeve të kërkuara në sistemin e menaxhimit të cilësisë. Nisur nga rëndësia, volumi i kontratës, rëndësia e AK (Autoritetit kontraktor) të përfshirë në këtë procedurë është e rëndësishme me qëllim

realizimin me sukses të kësaj procedurë që operatori pjesëmarrës të provojnë se ka një sistem të menaxhimit të cilësisë, pra të demonstrojnë aftësinë e tij për të ofruar vazhdimisht mallra cilësore që plotësojnë kërkesat të AK-së dhe është i përkushtuar për përmirësimin e vazhdueshëm.

**2.3.3.** Për të vërtetuar që ka kapacitete njerëzore profesionale të mjaftueshme për realizimin në kohë dhe sipas specifikimeve teknike të projektit, operatori ekonomik duhet të vërtetojë se ka të punësuar për periudhën e dy muajve të fundit të deklaruar nga shpallja e njoftimit të kontratës, punonjësit si më poshtë:

- 1 (një) Inxhinier Hortikulture/Agronom
- 1 (një) specialist gjelbërimi
- 1 (një) teknik ndertimi
- 2 (dy) specialist hidraulik
- 5 (pesë) punonjës lulishtar
- 1 (një) shofer
- 1 (një) manovrator
- Minimalisht 1 (një) punonjës të ketë dëshmi kualifikimi të sigurimit teknik (të vlefshme).

*Një punonjës mund të disponojë më shumë se një certifikim.*

Për çdo punonjës të certifikuar të përfshirë në projekt, Operatori Ekonomik duhet të paraqesë:

- Diplomë për Inxhinier Hortikulture/Agronom;
- Për stafin teknik : Dëshmi e Aftësisë Profesionale (të vlefshme) lëshuar nga institucionet përkatëse, dëshmi kualifikimi të sigurimit teknik (të vlefshme) lëshuar nga Inspektoriati Shtetëror Teknik dhe Industrial apo nga subjekte juridike private të akredituara për çertifikimin e punonjësve. (Në rastin kur punonjësi Manovrator janë të kontraktuar me kontratë pune (respektivisht për mjetet e marra me qera), nuk kërkohet të figurojnë në listpagesat e shoqërisë);
- Listëpagesat sipas formatit E-Sig 025, të konfirmuara nga Drejtoria e Tatimeve që vërtetojnë se punonjësi ka qenë i punësuar pranë operatorit ekonomik për periudhën e dy muajve të fundit të deklaruar (shkurt – mars 2026) para shpalljes së njoftimit të kontratës.

**Argumentimi:** Kërkesa e mësipërme është përcaktuar në bazë të pikës 4, të nenit të 77, të Ligjit nr.162, datë 23.12.2020 “Për prokurimin publik” i ndryshuar si dhe nenit 40, pika 5-b, të VKM nr. 285, datë 19.05.2021 “Për miratimin e rregullave të prokurimit publik” i ndryshuar Me anë të këtij kriteri kërkohet që operatorët ekonomikë të garantojnë që zotërojnë burimet e nevojshme njerëzore e teknike për realizimin me sukses të kontratës. Konkretisht:

Kriteret për kualifikim janë vendosur që t’i shërbejnë autoritetit për të njohur gjendjen e kapaciteteve të operatorëve të cilët nëpërmjet dokumentacionit të vërtetojnë se zotërojnë, personelin e nevojshëm, si dhe kapacitetet organizative, gjithçka në funksion të realizimit me sukses të kontratës.

Këto kriteret janë vlerësuar si të nevojshme për arsye se mbjellja e luleve dhe pemëve do të bëhet në mënyrë periodike, të vazhdueshme sipas grafikut të realizimit, dhe kjo kërkon domosdoshmërisht pjesë të stafit një inxhinier Hortikulture ose Agronom dhe staf teknik të aftë për të kryer të gjitha shërbimet agro-teknike të bimeve dhe fidaneve që do të mbillen në tre lulishte me sipërfaqe  $S_1= 361m^2$ ,  $S_2= 304m^2$  dhe  $S_3= 368m^2$ , deri në mbarimin e afatit të lëvrimin.

Specialisti i gjelbërimit së bashku me lulishtarët do të bëjë kompozimin e parcelave të përcaktuara me rreth 1600 bimë sipas llojeve të luleve/bimësisë që do mbillet/kultivohet në to.

Sistemi i ujitjes është një zë shumë i rëndësishëm në projektet e gjelbërimit. Ndërtimi i infrastrukturës për vaditjen automatike të të gjitha parcelave sipas nevojave që secilat nga bimët kanë për t'u furnizuar me ujë ka të domosdoshëm stafin e teknikut të ndërtimit dhe atij hidraulik për sistemin ujitës të konceptuar me sistem ujitjes me Sprinklera (zonat e mbjella me tapet bari) dhe sistem ujitjes me pika (zonat e mbjella me shkurre).

Shoferi dhe manovratori duhen për realizimin e transportit të bimëve nga fidanishtja dhe vendosja e tyre në objekt sipas specifikimeve në projekt.

Kjo krijon bindjen e Autoritetit Kontraktor se operatori ekonomik duke patur një staf të kualifikuar, garanton realizimin me sukses të kontratës.

**2.3.4** Operatori ekonomik duhet të përcaktojë me anë të një deklaratë **Drejtuesin Teknik** i cili duhet të ndjeki dhe zbatojë furnizimin dhe vendosjen e të gjitha zërave sipas projektit dhe të deklarojë se nuk është i angazhuar në kontrata të tjera dhe do të jetë i pranishëm gjatë gjithë kohës që do të kryhen furnizimi dhe vendosja e mallarave në objekt, shoqëruar me dokumentacionin e mëposhtme:

- a) Kontratë pune e vlefshme;
- b) Diplomë.
- c) Listëpagesat sipas formatit E-Sig 025, të konfirmuara nga Drejtoria e Tatimeve që vërtetojnë se punonjësi ka qenë i punësuar pranë operatorit ekonomik për periudhën e dy muajve të fundit të deklaruar (shkurt – mars 2026) para shpalljes së njoftimit të kontratës.

Mosdeklarimi si më sipër, përbën kusht për skualifikim.

*(Në rastin e Bashkimit të Operatorëve Ekonomik secili Operator duhet të përcaktojë me anë të një deklaratë Drejtuesin Teknik i cili duhet të ndjeki dhe zbatojë furnizimin dhe vendosjen e të gjitha zërave sipas projektit në Portin Detar dhe të deklarojë se nuk është i angazhuar në kontrata të tjera dhe të jetë i pranishëm gjatë gjithë kohës të kontratës në varësi të vlerës së preventivit të zërave që ka marrë përsipër sipas përqindjes së bashkëpunimit).*

**Argumentimi** : Kërkesa e mësipërme është përcaktuar në bazë të pikës 4, të nenit të 77, të Ligjit nr.162, datë 23.12.2020 “Për prokurimin publik”i ndryshuar si dhe nenit 40, pika 5-b, të VKM nr. 285, datë 19.05.2021 “Për miratimin e rregullave të prokurimit publik” i ndryshuar. Me anë të këtij kriteri kërkohet që operatorët ekonomikë të garantojnë që zotërojnë burimet e nevojshme njerëzore për organizimin e gjithë proceseve të shërbimeve agro-teknike të bimeve dhe fidaneve deri në realizimin me sukses të kontratës.

**2.3.5.** Operatori ekonomik duhet të paraqesë dëshmi për mjetet e pajisjet teknike, që ka në dispozicion apo mund ti vihen në dispozicion operatorit ekonomik, që nevojiten për ekzekutimin e kontratës konkretisht:

<i>Mjetet</i>	<i>Sasia</i>
Kamion vetëshkarkues me kapacitet mbajtes nga 5 ton e lartë	1 copë
Kamioncine nga 3.5 ton e lartë	1 copë
Mini eskavator	1 copë

Për mjetet me status përdorimi qera/marrëveshje përdorimi të disponohet kontratë qeraje mes qiradhënësit dhe qiramarrësit shoqëruar me leje qarkullimi, akt kolaudimi, sigurimin e detyrueshëm të mjetit.

Për mjetet me status pronësi të paraqesë vërtetim për pronësinë shoqëruar me leje qarkullimi, akt kolaudimi, sigurimin e detyrueshëm të mjetit.

**Shënim:** *Përmbushja e kësaj kërkesë në fazën e ofertimit do të bëhet nëpërmjet dorëzimit të formularit përmbledhës të vetëdeklarimit sipas shtojcës nr. 9, sic parashikohet edhe nga pika 1 e nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar. Dokumentacioni i përshkruar në këtë pikë do të dorëzohet nga operatori i kualifikuar i pari, kjo në mbështetje të pikës 6 të nenit 26 të Vendimit të Këshillit të Ministrave Nr. 285, datë 19.05.2021 “Për miratimin e rregullave të Prokurimit Publik” i ndryshuar. Operatori ekonomik i pari përpara publikimit të njoftimit të fituesit dhe nisjes së afateve të ankimit duhet të paraqesë të gjithë dokumentacionin provues të kërkuar si më sipër.*

**Argumentimi:** Kërkesa e mësipërme është bazuar në nenin 77 të ligjit nr. 162, datë 23.12.2020 “Për prokurimin publik” të ndryshuar; nenin 40 pika 8 të VKM nr. 285, datë 19.05.2021 “Për miratimin e rregullave të prokurimit publik” të ndryshuar, mund të përcaktojë kritere të tjera, në varësi të objektit që prokurohet, të cilat i vlerëson të nevojshme për ekzekutimin me sukses të kontratës. Ky kriter është i nevojshëm për të garantuar se operatorët ekonomike zotërojnë mjetet e pajisjet teknike për përmbushjen e kontratës, duke u angazhuar jo vetëm për furnizimin e produkteve në përputhje me specifikimet teknike të dhëna, por edhe për ofrimin e shërbimit të transportit dhe shpërndarjes së tyre në afatet e kërkuara. Si rrjedhim Autoriteti Kontraktor krijon siguri për realizimin me sukses të kontrates në përputhje me specifikimet teknike sipas afateve e caktuara në Dokumentet Standarte të Tenderit.

**Shënim:** Në zbatim të pikës 1, të nenit 26, të VKM nr.285, datë 19.05.2021, ku parashikohet: “Bashkë me dorëzimin e kërkesave për pjesëmarrje ose të ofertave, autoriteti/enti kontraktor pranon si provë paraprake, në vend të disa vërtetimeve të lëshuara nga autoritetet publike ose palë të treta, formularin përmbledhës të vetëdeklarimit, sipas përcaktimit në nenin 82, të LPP-së, dhe në këto rregulla”, si dhe përcaktimet e pikës 6, të këtij neni, ku parashikohet: “Përpara publikimit të njoftimit të fituesit dhe nisjes së afateve të ankimit, autoriteti/enti kontraktor i kërkon ofertuesit të kualifikuar, i pari dorëzimin e dokumenteve provuese të parashikuara në shkronjat “a”, “b”, “d”, “dh”, “e”, “h”, “i”, “j” të pikës 2 të këtij neni, si dhe dokumentet e tjera shoqëruese të ofertës, të dorëzuara në rrugë elektronike. Këto dokumente duhet të paraqiten në origjinal ose në kopje të njësuara me origjinalin...”, **sjellim në vëmendje se:**

- Disponimi i dokumentave të kërkuara më sipër do të dëshmohet nëpërmjet paraqitjes së Formularit Përmbledhës të Vetëdeklarimit.
- Autoriteti/enti kontraktor përpara publikimit të njoftimit të fituesit dhe nisjes së afateve të ankimit duhet t’i dërgojë kërkesë në rrugë elektronike (nëpërmjet sistemit të APP) ofertuesit të kualifikuar i pari, që të dorëzojë dokumentet provuese për vetëdeklarimet në formularin përmbledhës të vetëdeklarimit, si dhe dokumentet e tjera shoqëruese të paraqitura si pjesë e ofertës në rrugë elektronike. Këto dokumente duhet të paraqiten në origjinal ose në kopje të njësuara me origjinalin.
- Mosparaqitja e dokumentacionit do të jetë kusht s’kualifikimi si dhe do të veprohet sipas nenit 83 pika 3 dhe 5 të ligjit nr. 162, datë 23.12.2020 “Për prokurimin publik” i ndryshuar.
- Autoriteti Kontraktor do të bëjë verifikimin e dokumentacionit në përputhje me vetëdeklarimet e bëra gjatë fazës së ofertimit. Konstatimi i mospërputhjeve midis

Formularit Përmbledhës të Vetëdeklarimit dhe dokumentacionit të dorëzuar përben kusht s'kualifikimi.

**Të gjitha dokumentet duhet të jenë origjinale ose kopje të noterizuara.**

**Rastet e mosparaqitjes së një dokumenti, ose dokumente false dhe të pasakta, konsiderohen kushte për skualifikim.**

## **II. Argumentimi i specifikimeve teknike:**

Specifikimet teknike janë hartuar në përputhje me nenin 36, të LPP-së, si dhe të VKM-së nr.285, datë 19.05.2021 “Për miratimin e rregullave të prokurimit publik” i ndryshuar, sipas shkresës Nr.2065 Prot, datë 12.04.2022.

Në specifikimet teknike që janë hedhur në dokumentet teknike të tenderit nuk është përmendur asnjë markë prodhimi ose burim specifik apo proces i veçantë, që karakterizon produktet ose shërbimet e ofruara nga një operator ekonomik specifik apo asnjë markë tregtare, patentë, tipi ose origjinë apo prodhim specifik, me qëllim favorizimin ose eliminimin e disa sipërmarrjeve ose produkteve.

### **Specifikimet Teknike hedhur në SPE [www.app.gov.al](http://www.app.gov.al)**

Dokumentacioni i ngarkuar në SPE në formatin PDF si më poshtë:

- **Projekt për Gjelbërimin e Sipërfaqeve Sarandë;**
- **Relacion Teknik;**
- **Specifikime Teknike;**
- **Preventiv pa çmime;**
- **Analiza çmimi.**
- **Grafiku i realizimit**

Pas hartimit dhe miratimit me unanimitet të dokumenteve të tenderit dhe kriterëve për kualifikim Njësia e prokurimit, në zbatim të pikës 3 të Manualit Nr.1 datë 03.06.2025 “Për mënyrën e zhvillimit të procedurës së prokurimit me mjete elektronike”, të manualit teknik “Për mënyrën e zhvillimit të procedurës së prokurimit me mjete elektronike”, autorizoi R.A. për të krijuar dosjen e tenderit në sistemin e prokurimit elektronik të APP dhe për të ngarkuar të gjithë dokumentacionin e nevojshëm për procedurën e prokurimit me objekt “Gjelbërim i lulishteve në Portin Detar ShA Sarandë”, dhe në zbatim të nenit 49, të ligjit nr.162/2020 “Për prokurimin publik” i ndryshuar, vendosi si afat përfundimtar për dorëzimin e ofertave : datën **05.06.2026, ora 11:00**

### **Bashkëlidhur këtij proces-verbali:**

- **Dokumentat standarte të tenderit**
- **Njoftimi i Shkurtuar i Kontratës**
- **Projekt për Gjelbërimin e Sipërfaqeve Sarandë;**
- **Relacion Teknik;**
- **Specifikime Teknike;**
- **Preventiv pa çmime;**
- **Grafiku i realizimit**

### **NJËSIA E PROKURIMIT**